

Ողջուն Զեզ, բնակիչք դաշտաց և լեռանց Շինական երկրագործ ժողովուրդ, որ սիրէք զհողն և մած, զոչխարն և տաւար, դուք աշխարհի բարի և անխարդախ մշակն էք, դուք հարազատ որդիք էք նախահօր մերում. գործեցէք զերկիր և պահեցէք, զիտելով թէ միայն երկիրն է Զեր կեանք և զօրութիւն. միշտ ջանացէք անկորուստ պահել այդ հայրենատուր ժառանգութիւն:

Յետ ողջունելոյ զամենայն դասակարգս Զեր, ժողովուրդ Հայոց, դառնամ արդ պատմել Զեզ թէ զի՞նչ արար Տէր ընդ իս և զիտէք արգէն, զի հռչակեցաւ ընդ ամենայն աշխարհ:

Ո՛չ որպէս կամին մարդիկ, այնպէս առնէ Տէր, այլ որպէս Ինքն կամի և ո՞վ կորէ հասու լինել անքննին խորհրդոց Նորա, զի ո՞ զիտաց զմիտս Տեառն և ո՞ եղեւ Նմա խորհրդակից, թէ խելամուտ արասցէ զՆա:

Մինչ փոքրիկ և կրտսեր էի ի մէջ եղբարց և արածէի զիմ փոքրիկ հօտն ի լեառն Վարաբայ, առ հովանեաւ Քրիստոսի Աւագ սուրբ Նշանին, ձեռն Տեառն կալաւ զիս, ած յերուսաղէմ և կացոյց ի վերայ լեռինն Սիօնի, ուր երեւեցաւ Բանն Բժիշկ մարդկութեան և Վերանորոգիչ հնացեալ մարդոյն:

Յերեսուն ամաց անտի մինչեւ ցեօթանասուն ամն իբրեւ խնայեղէն մի տկար անօթ միշտ վարեալ և զլորեալ ընդ քարքարուտ ելեւէջ առապարս աշխարհի, այնպէս եղէ զի կարծեցին մարդիկ թէ իսպառ ջախջախեցայ, և զի՞նչ էր, որ կենդանի պահէր զիս. միայն հեզութիւն և իսպառ համբերութիւն:

Անդ ի Սիօն մօտ էր Նորոգիչ Բրուտն Յիսուս, որ անդրէն վերստին նորոգեաց զբեկեալ անօթս: Մի անգամ և երկիցս հիւանդացայ յոյժ, այնպէս թուեցաւ ինձ թէ հասեալ կամ առ դուռն գերեզմանին, և եղէ ես որպէս զոստայն մերձ ի հատանիլ, սիրտ իմ և շունչ գելաւ յիս, լացի և գոչեցի. ո՞վ Տէր, դեռ տարածամ է ասացի, դեռ բազմապատիկ պարտս ունիմ առ Քեզ և առ եկեղեցին. թոյլ տուր, դարձն զոգի իմ, զի կեցից և վճարեցից: Ա՛հ թէ մեռանիմ չմնամ պարտապան առաջի Քո ահաւոր Ատենիդ:

Լուաւ ինձ Տէր և ողորմեցաւ, և յաւել ինձ նոր կեանս, վերացոյց ի լեռնէն Սիօնի, եզ ի Սիօն Արարատայ, ի Վաթուղիկէ